


მეფურთა



— ყველა უქანარა სამარცხვინო გოგზა უნდა გავაპრათ!
 — გაგვინადგურებია ჩვენი სოფლის ტყე და, ეგაა!

60 ЛЕТ ЗАРЯ ВОСТОКА



60 წლის „ზარია ვოსტოკა“!

ხარ საქართველოს
მშრომელთა
უსაყვარლესი
გაზეთი! —
განთიადივით
შებრწყინდი
ყველას გულში და
გამზეფდი!
ანთიხარ ხალხთა
ძმობისა
და მეგობრობის
მზის სხივით
და გზევის
რედაქტორობა
ნიკოლოზ
ჩერქეზიშვილის!

შენი ერთგული „ნიანბი“



ნახ. ჯ. ლოლუასი

ცილისმწამებელი, რომელიც ბრმა შურისძიების გრძობითაა შეპყრობილი, ზიანს აყენებს როგორც საკუთარ, ასევე სხვათა ჯანმრთელობას.

დაავადების წყაროა შხამი, ცილისმწამებლის გულში რომ გროვდება წლების მანძილზე. ავადმყოფი გარეგნულად კარგად გამოიყურება, რადგან ცილისწამება სულიერი დაავადებაა და მხოლოდ გარკვეულ მომენტებში იჩენს თავს.

დამახასიათებელი თვისებები:

სიძულვილი ადამიანთა მოღმისადმი ანუ მიზანტროპია.

ავადმყოფური მიდრეკილება წერიითი მოღვაწეობისადმი — წერის მანია.

სადიზმი, რასაც სიხარულით გამოხატავს, როცა ადამიანები იტანჯებიან მისი მიზეზით.

ამა თუ იმ ნაცნობის რაიმე წარმატება ავადმყოფში შურისძიების სურვილს იწვევს და ალერგიულად მოქმედებს. ამ დროს მას მოუსვენრობა იპყრობს.

დაავადებას მოვლითი ხასიათი აქვს და მეტწილად ლამლამობით იჩენს თავს: ავადმყოფს ძილი უტყდება, სხეული უცახცახებს, სახე ეღრიცება, კბილებს აკრატუნებს და უმიზეზოდ ივინება. განსაკუთრებით აწუხებს მარჯვენა ხელის ქავილი და იყენებს თვითმკურნალობის ხერხს: იღებს ქალაღს, კალამს და თხზავს დეტექტივებს, რომელთაც ცილისმწამებლური ხასიათი აქვთ და ზოგჯერ საგამომძიებლო ორგანოებიც კი შეჰყავთ შეცდომაში (ამ დეტექტივების პერსონაჟები რეალური, პატიოსანი ადამიანები არიან).

საშიში დაავადებები



საინფორმაციო

წერის პროცესში ავადმყოფი გამოჰყოფს შხამს, რასაც ჯერ ქალაღზე ანთხევს და მერე ადამიანებს წამლავს. ამის წყალობით თანდათან გამოდის მდგომარეობიდან და „ქვეყნის წინაშე ვალმობილი“, მშვიდი და ღრმა ძილით იძინებს.

ცილისმწამებელი მოკრძალებულია ძველი ქართველი ხუროთმოძღვარებით და არსად ამხელს თავის ვინაობას. უქედურეს შემთხვევაში, ფსევდონიმს იყენებს, მაგრამ ჰონორარს არ ითხოვს.

ზოგჯერ იგი არღვევს უსაფრთხოების წესს და თავის ვინაობას ამჟღავნებს. ეს მაშინ ხდება, როცა დაავადება უმაღლეს სტადიაშია.

მიუხედავად იმისა, რომ უამრავი ფაქტი და არგუმენტი მოჰყავს, ცილისმწამებელი მხოლოდ ერთ რამეს ასაბუთებს — თავის უსინდისობას.

ყველა კარგად ხვდება ანონიმური წერილის ქვეტექსტს — გამოიყენოს ზემდგომი ორგანოები პირადი ანგარიშსწორებისათვის.

დაავადება ძნელი მოსარჩენია, რადგან ავადმყოფის ვინაობაც კი გაურკვეველია. განკურნების საშუალებაა ცილისმწამებლის სააშკარაოზე გამოყვანა. ამის შემდეგ იგი თავს ანებებს „სამწერლო მოღვაწეობას“, დაავადების მკვებავი შხამიც კლებულობს ორგანიზმში და ავადმყოფობაც თანდათან ქრება.

ალმანერი თაყაძე

კანსოვდეს!

შეგონება
ექსტრამოდურ
ღეძსად


გამრჯელნი, ძველ დროს, საკუთარ ტყავში ძვრებოდნენ, კვირაში ექვს დღეს, დღეს, მეშვიდეს, კი ბაზრობაზე, ღვინით სავსე ყანწივით სვლიდნენ და თუ რამ ჭარბი ჰქონდათ: საზრდელ-შესამოსი, ნივთი თუ სე-ტყე, არსობისათვის აუცილებლად რაც სჭირდებოდათ, იმაზე ცვლიდნენ. გამოსდა ხანი და, სახმარი საქონლის თუ ფუფუნების საგნების გაცვლა გააიოლეს ოქრო-ვერცხლის მონეტებით, ქაღალდის ფულით, რამაც ბევრს, დიას, სამწუხაროდ, ბევრს დაავინწყა, რომ იშვა კაცად და მამულს, ერს, რჯულს ამჯობინა ღირებულების საზომი —

ქვესკენელს ჩაფლული. ამჟამად, ზოგის ხელიდან წასვლა, ზნით დაცემა ამაზე უფრო?! ზოგს რომ სჭირდება, ისეთ სკამზე ზის, მეტი აქვს სამჯერ, მაგრამ მის ტვირზე მხოლოდ ფულის ფლობის მანია უფლობს და იმსახურებს სასჯელთა შორის ყველაზე უმკაცრეს სასჯელს! ვკითხულობ: ის, ვინც ასე უსაშველოდ სცოდავს, რად სცოდავს?! რისთვის?! (ნუთუ, ვერ ხედავს დღენი ჩვენი ისეც ქრიან ქარული ქროლვით), რომ ღორშა ცოლმა ბრილიანტებიანი ბაჯალლოთი შეისალტოს ათივე თითი და ერთადერთი ბარტყი, მისი სააუგო, მონახვეჭს დააცხრეს, ვით წინილს ქორი?! ნორა და რამინ ზარანდიები ნაარმს რომ არ აფრიალებენ, ალალი გარჯით ჩვიდმეტ იმედს ვითომ ცუდად აფრთიანებენ?!. პირიქით, მათი და მისთანათა თვალბალმასა, ლალი მართვენი გამოვლენ ომში გაუკვდავებულ ცხრა ძმასავით ნაღდი ქართველნი! მრუდ გზაზე მდგომო, ცრუ ვაჟკაცო, შეგონებით მიტომ მოგმართავ, გმოყვრობ, რადგანაც ჩვენი საერთო წინაპარი ადამი არი, პოდა, გთხოვ, წელნი — წილნი შენნი — გამჩენმა რომ ზონჩით მოგართვა, ისე გალიო, ძილშიაც კი „გახსოვდეს, რომ ხარ ადამიანი!“

ქიშვარდ ისაქაძე


გორისა და წითელწყაროს რაიონებში დამატებითი გამოძიებისათვის აბრუნებენ ყოველ მესამე საქმეს. გაზეთებიდან

ნახ. მ. აბაშიძისა
ეროვნული
ბიბლიოთეკა




დაბრუნებული საქმი

ნახ. ბ. ფირცხალაგანსი



— ორმოცი წელია, ერთ სამსახურში ვარ და გაძლიერებული პენსია აღარ მეკუთვნის?!
— შენ რომ სამსახურში დადიხარ, ორმოცის კი არა, ხუთი წლის სტაჟიც არ შეგიგროვდება!

ნახ. ბ. ლომიძისა



რატომ იგვიახებთ სისტემატურად სამსახურში?!
— მიჩვეული ვარ: ათი წელი მატარებლის გამცილებელი ვიყავი!



ანონისტს

ნიჭიერს და პატიოსანს
დააყენებ ყირამალა!..
ლაფში მოთხვრი სანიმუშოს,
ბოროტ აჩქმევ ნაღდს და ალალს!

არ ასვენებ მარცხენათი
არც ქალღმერთს და არცა კალამს! —
„საუცხოო“ მსროლელი ხარ:
ისარს ისვრი, მშვილდს კი მაღავ!

აკინ შუბაჩიენს!

ვინც შენ არ მოგწონს, სუყველას
ათას ბნელ საქმეს აბრალებს!..
ჭორ-მართალს აერთიანებ
და თვალახელილს აბრმავებს!..

ხალხს ყურიცა აქვს, თვალიცა! —
არვინ შეგარჩენს იმ ცოდვებს!..
მუშტებით მახათს არ სცემენ! —
ეს კარგად უნდა იცოდეს!

ზოთა სოღაზნელი

თამარ ჩხაიძე, მუშაობდა „აპარატოტექნომახურების“ საწარმოო გაერთიანების № 4 ტექნომახურების სადგურში. ოქტომბრის „ინტელისტის“ ბარში, მეგობართა წრეში. ღრეობა გამართა. უზომოდ გამოთვრალი, საკუთარი მანქანის საქვს მიუჯდა. სიმთვრალემ თავისი ქნა: გაღვიწილმა ავტომობილარემ მანქანა ტროტუარზე მდგარ ორ მოქალაქეს დააჯახა — ერთი მათგანი — ხ. რ. კუტაიაძე 35 მეტრ მანძილზე ათრია!.. იგი გარდაიცვალა!.. ხოლო მეორე — თ. ი. ძნელაძე დაშავდა!.

თ. ჩხაიძემ არათუ არ გააჩერა მანქანა, არამედ უფრო დიდი სიჩქარით მოკურცხლა შემთხვევის ადგილიდან და ერთ-ერთი ხიდის მოაჯირს დაეჯახა!.. მანქანა გადაბრუნდა!.. თ. ჩხაიძე ძლივს გამოიყვანეს კაბინიდან!..

ქ. ბათუმის სახალხო სასამართლომ თ. ჩხაიძეს 10 წლით თავისუფლების აღკვეთა მიუსაჯა და სასჯელის მოხდის შემდეგ 4 წლით აუკრძალა ავტოსატრანსპორტო საშუალებათა მართვა. დამნაშავეს დაეკისრა, აგრეთვე, დაობლებული ოჯახის სასარგებლოდ ერთდროულად 2170 მანეთის, ხოლო ბავშვების სრულწლოვანებამდე, ყოველთვიურად, სათანადო თანხის გადახდა.

სპირდონ მათეოსიანი, ქ. ლანჩხუთში შეხვდა თავისი ბავშვობის მეგობარს, ჯამბულ ებრალიძეს. ამას ხომ „აღნიშვნა“ სჭირდებოდა და ორივენი ზომბზე მეტად გამოთვრნენ, ისე, რომ ერთმანეთს ვეღარ ცნობდნენ. მერე „მეგობრებმა“ იჩხუბნენ. ჯ. ებრალიძემ სცემა ს. მათეოსიანს. ნაკემი შინისკენ ვაიქცა, თოფი გამოატანა და ჯ. ებრალიძეს მოსაკლავად მიეჭრა ეზოში, ორჯერ ესროლა კიდეც. ჯ. ებრალიძე მძიმედ დაიჭრა, მაგრამ, ექიმების მეცადინეობით, სიცვლილს გადაარჩა.

ს. მათეოსიანს, რომელმაც დამამძიმებელ გარემოებაში ჩაიღინა სისხლის სამართლის დანაშაული, ლანჩხუთის სახალხო სასამართლომ 6 წლით თავისუფლების აღკვეთა მიუსაჯა გაძლიერებული რეჟიმის შრომა-გასწორების კოლონიაში მოხდით!..

ესეც შენი მეგობრობა-ძმაცაცობა!
გელა თევდორაშვილი, საქართველოს ფიზკულტურის ინსტიტუტის მეხამე კურსის სტუდენტი, კომპაჟიტილი. თბილისიდან გორში გაემგზავრა ვინმე ი. ჩიგორევის პირადი „ვოლგით“, რომელშიც სამი თვისი ამხანაგიც ჩისცა. გ. თევდორაშვილს არც მინდობილობა ჰქონდა და არც მანქანის მართვის უფლება, თანაც მანქანა ტექნიკურად გაუმართავი იყო.

გორიდან დაბრუნებისას, სოფელ საქადაგიანოს შესასვლელთან, გ. თევდორაშვილმა დიდი სიჩქარე განავითარა, მოსახვევში მანქანა გადააბრუნა, რის შედეგადაც ერთი მგზავრი — გ. თ. მარგველაშვილი — რამდენიმე ღღეში გარდაიცვალა!.. სხვებიც დაზიანდნენ, ხოლო მანქანის პატრონმა, ჩიგორევა, 764 მანეთის მატერიალური ზარალი განიცადა.

კასპის სახალხო სასამართლომ ავტომობილარე გ. თევდორაშვილს 6 წლით თავისუფლების აღკვეთა მიუსაჯა, ხოლო ი. ჩიგორევის მიმართ, რომელმაც არ უზრუნველყო თავისი კუთვნილი ავტომანქანის დაცვა, გამოიტანა კერძო განჩინება, რაც თბილისის გარნიზონის სამხედრო პროკურატურას გადაეგზავნა.

სულიკო წურჭუშია და **ანზორ პირტანი**, გეგეკორის რაიონის სოფელ კიჭის მცხოვრებნი. მათ ერთხანით გატაცებით ემარჯვებოდნენ მეზობლებზე ყაჩაღური თავდასხმაც და მალაზიის გაქურდაც, ამასთან, მოკვლით ემუქრებოდნენ იმათ, ვინც მათ დანაშაულს გაამხელდა!..

მაგრამ არ შერჩათ არც პელაგია ხაინდრავას ოჯახის აწიოკება ფულის გატაცების მიზნით, არც მეორე გურძემის მალაზიიდან რვა ტომარა შაქრის მოპარვა, არც ა. ა. წურჭუშიას დანით დაჭრა და არც მალაზიის გამგის გ. დამენიას მიმართ მოკვლით დამუქრება!..

სამართალმა პური ქნა: გეგეკორის სახალხო სასამართლომ ს. წურჭუშიას, რომელიც კიჭის მაჟლიანი სკოლის დარაჯად მუშაობდა, 8 წლით თავისუფლების აღკვეთა მიუსაჯა, ხოლო კიჭის კოლმეურნეობის წევრს ა. პერტიას — 7 წლით თავისუფლების აღკვეთა.

გიორგი ბიჭაშვილი, ვერაფერი შეილი ბიჭობა გამოიჩინა მან, რაკი სამსახურებრივი მოვალეობის შესრულებას გულგრილად მოეკიდა. ამ საქმის ისტორია ასეთია: გ. ბიჭაშვილი „საქმანქანათ“ საგამოცდო სადგურის კომენდატად მუშაობდა. ამავდროს, შეთავსებით — მცხეთის რაიონის წეროვნის უნივერსიტეტის დამის დარაჯობაც დაიწყო (მორიგეობა უწყვედა ორ ღამეში ერთხელ).

მაგრამ, ერთხელაც, დამის საათებში, მიატოვა საგუშავო და სახლში გამოსაძინებლად წავიდა. ქურდებმა ამით ისარგებლეს, გატეხეს მალაზია, საიდანაც 9.634 მანეთის მატერიალური ფასეულობანი გაიტაცეს (სამწუხაროდ, ქურდები ღღემდე ვერ იპოვეს!).

მცხეთის სახალხო სასამართლომ გ. ბიჭაშვილს მიუსაჯა ერთი წლის ვადით გამასწორებელი მუშაობა სხვა ადგილზე მოხდით, ხელფასიდან 20 პროცენტის დაკავებით. მასვე დაეკისრა ზარალის — 9.634 მანეთის გადახდა.

სიმთვრალისათვის ჩამორთმეულ ავტომანქანებს მეტწილად, როგორც ნესი, მიჰყიდებიან ბრალეულის ოჯახის წევრებს, ან მის ახლო ნათესავეებს და, ფაქტობრივად, მანქანის მფლობელად კვლავ ბრალეული რჩება!

გაზეთებიდან

ნახ - აბაშიქისა



მე კი დავღვევ, სამადლობელს, მაგრამ თუ კიდევ დაგიღვევია, ამ მანქანას, შენს შეილს კი არა, შენს ცოლს მიჰყიდებიან!..

რძივერე ყნბს ვყყყროი?!

დღეს, როცა ლაღმა ცხოვრებამ სიკეთე გავვიასკეცა, — ზოგმა წინაპრის ჩვევები გადათელა და დაკეცა: ძეობასა და ქორნილში სულ სხვანაირი ღზინია, რვაასკაციან სუფრაზე წყალს მოგიტანენ ღვინიანს!..

სადღაც ვიღაცა იმღერებს, ვიღაც გადავა მალაყსა, პირში წყალივით ისხამენ კონიაცხა და არაყსა!.. ყბას მოიქნევ და მაშინვე თავს დაგადგება „მოვალე“, გეტყვის: „ქორნილის ფონდებში სუთთუმნიანი მოღალე!“

დაიბოღმები, ხასიათს დაეფარება ღრუბელი, დაითარსება ოჯახის ახალშექმნილი უღელი!.. გულზე სკდები და გვესება ფიალაც მოთმინებისა!.. რას იზამ?! — ასე ყოფილა გზა იოლ გამდიდრებისა!

ჭირი გვაშოროს სუყველას, გლოვა და უბედურება! — ცრემლი შეშვენის მწუხარეს, თალხით რომ დაიბურება! მაგრამ ვინ აცლის მოზარეს ცრემლის შემრობას თვალბზე?! — ქელეხის მოყვარულები ჩამოსხდებიან კარებზე,

შეუჩნდებიან მოტირალს, ფუსფუსითა და ფათურით, ძველ ადათს მოიგონებენ თავის ჭერით და სართულით, დარბიან მერე საშოვრად ათასნაირი მარშრუტით, ხორაგს ეძებენ აქა-იქ, უსაბუთოდ, თუ საბუთით!..

რვაასკაციან სუფრაზე შვილი ვერა ცნობს დედასა, ვის ახსოვს მიცვალებული?! ვიღაცა ფულებს სვეტავსა!.. სამი დღე მიდის ქელეხი ხაშლამით, ხინკლით, ხაშითა, გლოვით დაზაფრულ ოჯახში გრძელი მაგიდის გაშლითა!..

მერე ყვირიან საქვეყნოდ — ხან კრინით, ხანაც ბანიტა: „ეს მავნე წეს-ჩვეულება უნდა მოკვეთოთ დანიტა!“ ზომიერ სუფრას ვინ წუნობს, სიტყვაა კაცის მკურნალი, ვაი, იმ ჭირისუფალსა, მარტო თუ დარჩა მწუხარი!

მაგრამ იმ რვაასკაციან სუფრის ნამდვილი სახელი არის მწუხარე ოჯახის მეორე დიდი ნაღველი!..

გავა დრო, სასაფლაოზე აღიმართება სართული!.. მიცვალებულის ხსოვნისთვის სამსახურია დათვური — მარმარილო და გრანიტი, ყველა ყირაზე დადგმული, (ათფერო ჩეტს იღებს ოსტატი, „კარგი ხელობით“ განთქმული!)


დაეფარება საფლაოზე, როგორც სიბნელე ღამისა, როგორც ყვავილთა ნალკოტში მოვარდნა ნიაღვარისა!.. ზედ ლექსსაც ამოკვეთავენ, ზოგჯერ — ოსტატის სახელსაც!.. რა უშავს უგემოვნებას! — ხომ გააგიჟებს მნახველსა?!..

ასე იმატა სიხარბემ და განდიდების წყურვილმა, წამბაძველობამ, შურმა და გამოჩენათა სურვილმა!.. ზოგი, ქელეხის იმედით, დგება მანქანის რიგშია, ადვილად ფულის მშოვნელი აღარ ისვენებს ძილშია!

ბებიას „ფიგულს“ ეძახის, ანდა — „ნივას“ და „ოცდაოთხს“, წრიალებს, უნდა სიკვდილსაც ქაფი და ქონი მოხადოს!.. აი, ცუდ წეს-ჩვეულების მეტასტაზი და ნაზარდი, წყლული, ფულურო, ეგზემა, გუდაფშუტა და სახადი,

წერგს მოხვეული ეკალა, ვარდზე ასული ფათალო, ყვავილს რომ შემოხვევია და სურს, ჩრდილებით დაფაროს! ვინ ჩვენ და — მანკიერება! — მუხას გაახმობს ფულურო!.. ზოგიერთების სიხარბეს როდემდე უნდა ვუყუროთ?!

ვაღერიან მამუკალაშვილი




უსიტყვოდ

ნახ. ჭ. დვისაძისა



— მათხოვე მაგი შენი შავი „ლაიკის“ პალტო, პანაშვიდზე ვარ წასასვლელი!..

ნახ. მ. აბაშიძისა



— რას შერები? აუქმებ კარებს?! — აბა, რა ვქნა?! აგარაკზე მივდივართ!..



რაცინადალა



— შეილებო, შეწყვიტეთ გალობა! უნდა გავფრინდეთ აქედან! ჩვენ ამათთან არაფერი გვესაქმება!

ენის სინ მიინდისა და, აგრეთვე, საკუთარი სახელის დაცვის მიზნით, შეუცვალოთ და შესაბამისი სახელწოდება მისცეთ მატარებლის საძილე ვაგონების ლოგინის მოწყობილობას: შავეული ან რუხეული — ადრე ნოდებული თეთრეულის ნაცვლად!

ტაქტის შესახებ

ტროლეიბუსში ამოდის შუახნის, თმაჭალარა კაცი. ახალგაზრდა ქალი დგება სკამიდან. თმაჭალარა მადლობას უხდის და არ აძლევს ქალიშვილს ადგომის საშუალებას. ქალიშვილს კი ჩასვლა უნდოდა და იმიტომ ადგა.

ღიაღობავი

ახალგაზრდას, რომელიც მეტროში მზესუმზირას ჭამს, ვილაც მითითებას აძლევს.

— როგორ ფიქრობთ. სხორად იქცევა ის „ვილაც“?
— რასაკვირველია, არა! ახალგაზრდას არავინ არაფერს არ ეუბნება და ეს „ვილაც“ ვინაა?!

— ესკალატორზე ჩასვლისას სლალომის ოსტატობა უნდა გამოიჩინო!

— ასვლისას?
— ... ?!

— ჩვეულებრივი, თეთრი სანთლები გაქვთ?

— ეჰ, ჩემო ძმაო, ეგ სანთლები სანთლით არის საძებარი!

ქალი: არ ჩაუშვათ!.. არ ჩაუშვათ!..

მგზავრები: დაიჭიო! არ ჩაუშვათ! დაიჭიო!

ვილაც: გამიშვით ხალხო! რას მერჩით?!

ხალხი: ვინ არ ჩაუშვათ, ქალბატონო?!

ქალი: შაურიანი!.. შაურიანი არ ჩაუშვათ! თუმცა ჩაუშვით! აბონემენტი მქონია!..

სოსო ლეპანიძე

ტყის იგავი

ლომებს თავი მოეყარათ და ძლიერბაზე ბეობდნენ. ერთმა ლომმა წინადადება წამოაყენა:

— ჩვენ, ცხოველთა მეფენი, ხომ ყველაზე ძლიერი ვართ? რა საქროა, იყვნენ სუსტებიც? მოდი, ყველა სუსტი არსება ლომად ვაქციოთ, ვინც ურჩობას გავიწვევს, მოვსოთ!

მოეწონათ ლომებს ეს აზრი. ერთმა ხანში შესულმა ლომმა სამ ახალგაზრდა ლომს უბრძანა: წადით, იარეთ და ყველა ცოცხალ არსებას ლომად-ქცევა შესთავაზეთ, ვინც უარი თქვას, ჩემთან გამოგზავნეთ და მოვუვლიათ!

ლომები გზას გაუდგნენ. მოულოდნელად ქამელეონი შემოეყარათ მწვანე მინდორზე.

— შენ, ეი, შეჩერდი და გვითხარი, რა ცხოველი ხარ? — შეუყვირეს.

— მე ქამელეონი ვარ!

— რა ულამაზო ხარ! უმჯობესია, ლომად გადაიქციე! თუ ნებით არ ისურვებ, სულ ერთია, ძალით გავალომებო!

— კი, ბატონო, თანახმა ვარ, მაგრამ სახლში და-ძმა მყავს დატოვებული, იმათაც გავაგებინებ, სამივე მოვალთ ხვალ ამ ადგილზე, თქვენც მობრძანდით და გადაგვაქციეთ ლომებად!

დათანხმდნენ ლომები. მეორე დღეს დიდი თოვლი მოვიდა. ქამელეონები გამოცხადდნენ დანიშნულ ადგილას, მაგრამ ლომებმა, რა თქმა უნდა, ვერ იცნეს ისინი — თეთრად ფერსაცვლილნი. დიდხანს იცადეს, ბოლოს გადაწყვიტეს, ქამელეონმა მოგატყუაო, და ხელმოცარულნი გაიძურწნენ.

ქამელეონებმა ამაზე ბევრი იცინეს.

გაგულიხებულ ლომებს გზაზე ახლა კუ შემოხვდათ.

— ვინ ხარ?!

— კუ!

— ეჰ რა კუში გაქვს?! რას ჰგავხარ?! სჯობს, ლომად გადაიქციე! თუ ურჩობას გაბედავ, ან მოგსოობთ, ან ძალით გავალომებო!

— მე თქვენი არ მეშინია და არც ვაპირებ ლომად გადაქცევას!

— ეს რას ბედავს?! — დაიღრიალა ერთმა და პირი დააღო კუს გადასაყუაპავად. კუ კი ჯავშანში შექცრა.

ლომმა პირი დახტაცა კუს. დიდხანს ატრიალა, მაგრამ ვერ გადაყუაპა, კბილებიც ჩაემტვრა...

მეორე და მესამე ლომსაც იგივე დღე ეწია.

ბოლოს კუმ ჯავშნიდან თავი გამოყო ერთი გულიანად გადაიხარხარა და, კუს ნაბიჭებით, თავის გზას გაუდგა.

კბილებჩამტვრეული ლომები საგონებელში ჩავარდნენ.

ერთმა მათგანმა თქვა: ფუტკარი, მაინც ვაქციოთ ლომად! ყველას ტკუაში დაუჭდა ეს აზრი.

— ვინ ხარ, რას დაბუფი?! — ჰკითხა ერთმა ლომმა.

— თაფლს ვამზადებ! — საქმიანად მიუგო ფუტკარმა.

— რას ამზადებ, ეს ჩვენ არ გვინტერესებს! ლომად უნდა გადაიქციე!

ფუტკარს გაეცინა და ლომებს უთხრა: ძალიან კარგი აზრი მოგხვლიათ, მაგრამ მარტო მე რომ გადავიქციე ლომად, ეს რას შეგმატებთ? მთელ ჩემს ოჯახს მოვიყვან სულ ცხრაასნი ვართ და აველა ლომებად ვიქცევითო!

ლომებს გაუხარდათ.

ამასობაში სამ ჯგუფად დაუყოფილო ფუტკრებიც გამოჩნდნენ, ლომები დიმილით შეეგებნენ, მაგრამ, ვაი, ამ დიმილს! — თითო ლომს სამას-სამასი ფუტკარი შეეხია და ისე დაკბინა, რომ მათი ღრიალი ცასა სწვდებოდა..

ლომები ისევ საგონებელში ჩავარდნენ — ვერც ერთი ცოცხალი არსება ვერ აქციეს ლომად!

ამ დროს გამოჩნდა ირემი. რომელსაც ლომებმა თავიანთი გასაჭირი შესჩივლეს. მწვენიერმა ირემმა ლომებს უთხრა:

— ვინც გამოგზავნათ, იმას გადავიყო მარტო ლომები რომ იყვნენ დედამიწაზე, ცხოვრება მოსაწყენი და უინტერესო იქნებოდა. ბრძენმა ბუნებამ ყველა ცოცხალ არსებას თავისი სახე მისცა, თავდაცვის თავისი საშუალება და უნარი! გადავიცი თქველა უგუნურს, რომ ბუნების კანონების შეცვლა: შეუძლებელია!

კუდამოძუებული ლომები უკან გაბრუნდნენ.

შინდაბრუნებულებმა სხვებსაც უამბეს, რაც გადახდათ. ლომები ღრმად ჩაფიქრდნენ და ყველა თავ-თავის გზაზე წავიდ-წამოვიდა.

ვლადიმერ გომიგაბრიძე



— ქალო, ძვილები და ძვილიძვილები ქალაქში გაგვეტყვენ საცხოვრებლად და ამით იმედი გაქვს?!

ქალა ნაცვალსახელისა

ნ ზოოპარკის დირექტორმა თავაზიანად მიმიღო, სკამი მომანოდა და ღიმილით მკითხა:

— რა მოიყვანე?
 — კატა, ბატონო!
 — დიდი უნდა იყოს, პატარებისათვის ადგილი არა გვაქვს!
 — იმოდენაა, რომ ყუთის გახსნის შემინია კიდევ.
 — რა იცის?
 — კბენა, ღრენა, ნიხლი, კნავილი, და, ძილის, დროს, სრიალებს კიდევ.
 — ანტენის ბრალი იქნება!
 — ანტენა რა შუაშია, ბატონო?! მე კატაზე მოგახსენებთ!
 — მაპატიეთ, ჩაფიქრებულ ვიყავი და...
 — ერთი სიტყვით, ვეებერთელა კატაა!
 — ვნახოთ! — თქვა და ყუთს ფრთხილად ახადა თავი. მაგიდის უჯრიდან გამადიდებელი ამოიღო, თვალზე მოირგო და ერთხანს ყურადღებით ათვალიერებდა.
 — კნუტია! — ამოიხორა გულდანყვავითი.
 — არაფერი ეშველება?! — შევხედე ვედრებით.
 — სამწუხაროდ, არაფერი! ჩვენ გვექონდა ასეთი შემთხვევა და იცით, რა ვცადეთ?! — ხეზე კუდით გამოვავით, კისერში ხელი ჩავავლეთ და გავეჩაჩეთ. სიგრძეში კი მოიმატა, მაგრამ დანვრილდა. ასე რომ, მისი მიღება ჩვენთან შეუძლებელია! — გაშალა ხელები.

— რა გაეწყობა! — ვთქვი და დავემშვიდობე.
 მეორე დღეს დირექტორმა გადაჭარბებული თავაზიანობით მიმიღო.
 — გუშინ საღამოს იმან იქიდან ხომ დაგირეკათ?! — ვკითხე შესვლისთანავე.
 — დიახ, დიახ, დაბრძანდით! რა მოიყვანეთ? — მიაჩერდა ყუთს.
 — ისევ კატაა!
 — აბა, ვნახოთ! — თქვა და უჯრა გამოაღო, ისევ გამადიდებელი ამოიღო და თვალზე მოირგო.
 — ვერ გამაფრთხილეთ?! — იყვირა და ელვის სისწრაფით უკან გადახტა.
 — რა მოხდა?! — შევხედე გაოცებით.
 — ლომი ყოფილა!
 — ვეფხვია, ბატონო! — ზრდილობიანად განვუმარტე.
 — თავმდაბლობასაც თავისი საზღვარი აქვს!
 — ესე იგი, დაიტოვებთ არა?!
 — სიამოვნებით!
 — კარგად ბრძანდებოდეთ!
 — ნამოვდექი და დავემშვიდობე.
 — ნუ დაიკარგებით, ყმანვილო, ერთი ლომის იმედზე ნუ დავტოვებთ! — მომადხა დირექტორმა.

გურამ ნემსვერიძე

ვაკანგური ალბომი

ბატონმა ბონდო მ. „საქვარჯიტრეტის“ მმართველმა, დიდად გამპრაბმა კაცმა, როცა აფრთოვანებული მდივან-მემანქანე, ქალბატონი ელენე, ჩვეულებისამებრ ღინჯად შემოსვლის ხაცვლად კაბინეტში შემოჭრილ-შემოვარდნილი დაინახა, უმალ იაზრა, რომ საქმე ეხებოდა სრულიად განსაკუთრებულ შემთხვევას.

— ბატონო ბონდო, ბატონო ბონდო! — სიხარულს უერ მალავდა ქალბატონი ელენე, — მოვიდა, მოვიდა, აქ არის!
 ბატონი ბონდო ბუნდოვანი საუბრის მომხრე არასოდეს ყოფილა, და ამიტომ წინდახედულად იკითხა, ვინ მოვიდაო?!

ქალბატონმა ელენემ დაუსახელა.
 მმართველმა რესპუბლიკური მნიშვნელობის თანამდებობის პირთა უხილავ სიას გონების თვალი გადაავლო და ამ გვარისა რომ ვერავინ აღმოაჩინა, გაიკვირვა, ვინ არისო?!

ქალბატონმა ელენემ თავაზიანად მოახსენა, რომ ეს ის კაცია, ვინც მეზობელი საწარმო ჩამორჩენილებიდან მოწინავეთა რიგებში გაიყვანა და ახლა ჩვენ მთავარი ინჟინრის ვაკანტურ თანამდებობაზე მიღებას გვთხოვს.

— როგორი მუშაია?
 — მთავრობის გილდოები და მადლობები აქვს, რაციონალიზატორია, საქმის მცოდნე, კარგი ორგანიზატორი და დაუღალავი მუშაია!
 — ძველი სამსახური რატომ მიატოვა?
 — სანტერესო იქ აღარაფერია, ის საწარმო უკვე მოწინავეთა რიგებშია! საოცარი კაცია, ბატონო ბონდო, საოცარი! ხომ არ გავაუბრებოდით?
 — შემოიყვანეთ!
 მდივან-მემანქანე სასწრაფოდ გაუჩინარდა და ასევე სასწრაფოდ შეუგზავნა ის „საოცარი კაცი“ მმართველს, მაგრამ ავად ენიშნა „საოცარი კაცის“ უმალვე გამობრუნება და, რაც მთავარია, დამწვიდობება. რატომ „მშვიდობით“ და არა „ნახვამდის“? გაუუღვს: მდივან-მემანქანეს, როცა მმართველის ზარზე შვიი ტყავით აკრულს კარი შუაღო.

— ამ კაცს ვერ მივიღებთ! — მოკლედ მოჭრა მმართველმა. — არა, კარგი სპეციალისტია, ვიცი, მცოდნე, გამრჩე და ტექნიკი, მაგრამ... თქვენ დააკვირდით, როგორ შემოვიდა?! დააკვირდით?!

— როგორ? მე მგონი, ჩვეულებრივად, თავაზიანად...
 — არა, ქალბატონო ელენე, როგორც ჩანს, თქვენ ვერ ამჩნევთ უმთავრესს, უმთავრესს! აი, ახლა მე გამოვიძახებ ჩვენი საამქროს უფროსს, ბერკაძეს, და დააკვირდით, როგორ შემოვა იგი! ვერ გამოიგია, რატომ სურს ყველას მისი გათავისუფლება?! პირიქით, მე იგი სწორედ მთავარი ინჟინრის თანამდებობაზე უნდა დავაწინაურო! დიახ, და, გათხოვთ, ბრძანების პროექტი შეამზადოთ სასწრაფოდ!

მმართველმა დიქტოფონის ლილაკს თითი დააკირა და ოთახში უმალ გაისმა მორჩილებით აღსავსე ხმა:
 — გისმენთ, ბატონო ბონდო! გისმენთ, ბერკაძე გახლავართ!
 — ამოდი ჩემთან!
 წუთით არ გასულა, რომ კარი გაიღო და ოთხად მოკეცილი ბერკაძე შემოვიდა.

— გამარჯობათ, ბატონო ბონდო! გისმენთ, ჩემო ბატონო! რით შემიძლია გემსახუროთ?!
 — როგორა ხარ?
 — თქვენ ბრძანდებით ჩვენი იმედი და თქვენი კარგად ყოფნაა მხოლოდ ჩვენი სიხარული!
 — დაჯექი!
 — როგორ გეკადრებათ, ბატონო! თქვენი თანდასწრებით?! ღმერთის ტოლი კაცი ბრძანდებით!
 — მაშინ წყალი მომიტანე!
 — ახლავე, ბატონო!
 ბერკაძე, როგორც მალაგემოვნებიანი მწერლები ამბობენ ხოლმე, შურდულივით გავარდა და ცოტა ხანში ჭიკა წყალი შემოარბენინა.

— შეგერგათ, ბატონო! კარგად გავაცვივე... კიდევ ხომ არ გნებათ?!
 — არა, წაიდი!
 — გმადლობთ, ბატონო!
 და ბერკაძე ისე წავიდა, უფროსისათვის ზურგი არ შეუქცევია. თან ზღურბლთან ბოდიში რამდენჯერმე მოიხადა. როცა კარი გაიხსურა, გამარჯვებულმა მმართველმა თავის მდივანს ნიშნის მოგებით გადახედა:

— თქვენ კი... ის თქვენი „საოცარი კაცი“ ჩემს კაბინეტში ისე შემოვიდა, თითქოს აქ იყოს დაბადებული! გასაგებია?!
 — გასაგებია!
 — ჰოდა, ასე! მე წავიდი! თუ ვინმე მიკითხავს, „იქ“ გამოიძახებთქო!
 — „იქიდან“ რომ მოგიკითხონ?!
 — მაშინ სახლში დამირეკეთ!

მმართველი წავიდა, ხოლო ქალბატონი ელენე კიდევ დიდხანს ფიქრობდა იმაზე, თუ როგორ ქალისთვის თვის კანტურით ვაკანტური ადგილი.


ზურაბ რცხილაძე

ფრაზები



- დროის გამფლანგველი ვერაფერს მოიხვეჭს.
- თუ ყველას მიმართ ურწმუნო ხარ ნუ გაგიკვირდება, შენი ურწმუნობისაც არავის სწამდეს!
- კაცს ხელი გაუნოდე არა იმისათვის, რომ ფულს მოგანვდის!
- იმხანი ბრძენი, იყავი ჩუმიც, მაგრამ არა — მუნჯი!
- სასაწყინო: სიკვდილისა იმთაც ეშინიათ, ვისი სიცოცხლეს სიკვდილია.
- ძნელია, მაგრამ აუცილებელია, კაცს ხელი გაუნოდო, თორემ ხელის ჩაქნევა ყველას შეუძლია!

რომან ზუკაიშვილი
(საგარეჯოს რ-ნი)



სამსახურბრძენი ცაიტნოტი

რეკლამა — „გომბორი“

იცოდეთ, თაფლი „ტკბილი“ გომბორზე გამოტანილია. გვერდით ფუტკრები ბზუიან — იალაღს ამოყვანილი..

იქვე „ფურგონი-ვოლგა“ დაგას, გაეხეზულია ქილებით.. გულში ვიფიქრე: „საიდან? მოედინება მილებით?“

თვალი შევაველე მეფუტკრეს, კულდამშვიდებით ვუთხარი: „ნუთუ, ამდენ თაფლს სეზონში აოიტანს შენი ფუტკარი?“

პან მიპასუხა: „ძმობილო, უტკარი მუშა მწერი და მისი შესაძლებლობა ჯერ არვის აუწერია!“

მემდეგ ჭაშნიკი აუვლეთ, კემო არ ჰქონდა თაფლისა, რომ შევეკითხე — „ეს რაა?“ პასუხი აღარ მაღირსა.

ამ შაქარწყალის მყიდველებს დასცინის, ჭკუით ობოლი, და გულში ფიქრობს: „კარგია თაფლის რეკლამად გომბორი!“

შალვა შარიძე



პიკანოტიანი

ლობის ძირვის შეიკლება ძეიფი..

პაპაჩემი, კაცრიელი, მშრომელი და სტუმრის მოყვარული კაცი ყოფილა. როგორც კი სტუმრები მოუვიდოდნენ და სუფრა გაიშლებოდა, მუქთა უბიძგაურის გადახუხვას მიჩვეული ზოგიერთი მეზობელი მაშინვე კაცრიელის სახლის წინ გაჩნდებოდა. — ჰაი, კაცრიელი! მჭრელ ცულ გექნება, მათხუე! — დაიძახებდა ერთი.

— ბიძა, პაპიროზ ხვარა გაქვ, წეკვა გამოთავდა! — მიაყოლებდა მეორე. პაპაჩემი სკამიდან არ დაიძვრებოდა, მაგიდიდან ამაყად გასძახებდა: „რომელი ხარ?! რა შორიდან იძახით?! შემოდიოთ სახლში!“ მეზობლებსაც მეტი არ უნდოდათ, მაშინვე საპატიო სტუმრების გვერდით გამოიჭიშვებოდნენ. იწყებოდა სმა, სიმღერა. მეზობლებს სხვა სიკეთე თუ არაფერი შეჰქონდათ კაცრიელის სახლში, შესვლისას ერთს ხმანდოდა მაინც იტყოდნენ: „აგაშენოთ! აგაშენოთ ღმერთმა!“

...ასე გრძელდებოდა წლების მანძილზე. პაპა კაცრიელი კი ძალზე იშვიათად თუ მოხვდებოდა ამ გაურჯელი, ძუნწი და სუნსულა მეზობლების სუფრაზე.

ერთ ჩვეულებრივ დღეს პაპა კაცრიელს კვლავ სტუმრები ეწვივნენ. ჩვეულებრივ გაიშალა სუფრა. ცხვარიც დაიკლა. ორღობეში კვლავ გამოჩნდნენ დაუპატიებელი მეზობლები. კვლავ გაისმა მათი ნაცნობი, სავიზიტო სიტყვები: „ჰაი, კაცრიელი! ხერხი მჭირდება, შენ კაი გაღვსევა იცი!“

მეზობლები მალე ხნკლით სავსე ხონჩის გვერდით აღმოჩნდნენ. ის-ის იყო, დასხდომას აპირებდნენ. რომ ომანანად დაიძახეს: „აგაშენოთ! ღმერთმა აგაშენოთ!“ პაპაჩემი მიხვდა მეზობლების ოინს და ველარ მოითმინა: — ერთხელ თქვენი ოჯახები ააშენოს ღმერთმა! დაიკარგვით აქედან! თქვენი გამჩენი!..

ორი კაცი ცივად გაბრუნებულა ოთახიდან. მათთან ერთი პატიოსანი კაციც ყოფილა, ააჯულდ ხონა. იგი იმხანად სახლს აშენებდა და მეზობლებთან იყო შეხვედრა.

ნებდა და მეზობლებთან იყო შეხიზნული. დარცხენილს ესლა მოუხერხებია: — სახლი არა მაქვ, ბიძაო! აბა, სად დაგპატიოთ?! — შენ სახლ მე რად მინდა?! — მაშინვე მიუგია პაპაჩემს, — არაყს ლობის ძირშიც კარგად დავლევ! — იმ დღის შემდეგ მეზობლები პაპა კაცრიელთან უმიზეზოდ აღარ მიდიოდნენ.

ადვილად ნუ დავაბრალავთ!

კაცრიელი თეთრა ხევიდან სოფელ ასკილაურში (საგარეჯოს რ-ნი) გათხოვილი ქალიშვილის სანახავად წასულა. უკვე ჰარმაგი იყო, მაგრამ მაინც ლაზათიანად გამოიყურებოდა, განსაკუთრებით მაშინ, როცა ჩონა-ახალუხში გამოეწყობოდა და თავის იორღა ცხენზე ამხედრდებოდა. სოფელ ასკილაურისაკენ მიმავალი გზა დღესაც არ ვარგა და მაშინ, ალბათ, ველ-ტყიანზე მიმავალი საცაღფეზო ბილიკი თუ იქნებოდა. ველ-ტყიანში, აქა-იქ, ცხვრები ჩანდნენ. მალე წინის ქსოვით მომავალი ფშავლის დედაცაც გამოჩნდა. პაპაჩემს ქისტაურების ყანებისაკენ უნდა შეებრუნებინა ცხენი, რომ ხელწინდებიან ქალის ძახილი შემოესმა: — დაყენე ე ცხენი, ჰიჭო! რარიგად ჰგავ იმ ჩემ ცხენსა, განა დიდი ხანია, რაც დაგპარგეთ!

კაცრიელმა ლურჯა შეაჩერა. თვალგაფაციცებული ქალიც მიუხალოვდა, ცხენს ყურებზე დაუწყო თვალიერება. — პაპაჩემმა ახელ-დახევა პირმწითურ, ნაწნავებიც დედაკაცს (ეტყობა, ცოტა გადაკრულშიც იყო) და თავისკენ თითი დაუქნია.

— მოდი, მოდი ჩემთანა! რა რიგად ჰგვებარ იმ ჩემ ცოლსა!.. — დომეხე შენცა და შენი ცხენიც! — ტყვიანარავივით მოსწყდა იქაურობას გაწბილებული დედაკაცი.

ხვთისო არჩეაშვილი
(თიანეთის რ-ნი, სოფ. თეთრახევა)

ნკიპურტები

მზარეული უგემურ კერძს რატომ გვაჭმევს, კარგად ვიცო! ისიც ვიცი, ორმაგად რად გამატყავა! ლუდის ბოთლში, დახუფულში, საცობები როგორ მოხვდა, — ვფიქრობ, მაგრამ, დამიჯერეთ, ვერ მიემხვდარვარ!

ექიმმა დამინერა რეცეპტი, აფთიაქში ვერ კითხულობს ვერც ერთი.. ნინ და უკან ვატარებდი დიდხანს, დიდხანს, ბოლოს მასვე მივუტანე წნასკითხად. თვითონაც ვერ წაიკითხა! — მე არ დამინერიო, ასე მითხრა..


რატომ შეაჩერეს მშენებლობა?! რატომ აიცრუეს გული?! — რა ქნას, მის მშენებელს დასჭირდა და შემოეჭამა ფული..

გაიხედავ: მთელი გზები მოფენილა საქონელით.. ვერ გაიგებ, ტრასაა თუ საბალახო საძოვრები?!

— რატომ მოისუსტებს დირექტორი, დისციპლინას რად ვერ ამყარებს?! — გაავსო სანარმო ნათესავებით, დისციპლინას როგორ დაამყარებს?!

ვერ გავიგე, გეფიცებით, ეს ამბავი რატომ ხდება?! — უსულგულოდ ეპყრობიან თუ, უბრალოდ, ეზარებათ — ამ ჩვენს სოფელ-ქალაქებში ბევრგან არ ჩანს წარწერები! თუ გამველევი არვის შეგხვდა, სად ხარ, შენით ვერ მიხვდები!

ვალარინა მოსაშვილი



გული გაქვს გენიალური!
ჰუმორის ნიჭი ხალასი!
მადლიერია მამული —
შენი — შენგელი შალვასი!

ჩემი ავტორი ხარ ძველი! —
ვერ მოგიწყიდონ,
„შეგვერონ“!
შემომიარე! — შენ გელი!
ნუ შემეღვევი, შენგელო!

ყუჩოკაული რიპოგები

ატალიაში

- ამ პიჯაკს ჯიბეები არ დააკერო!
- რატომ, შე კაცო?!
- სადაც მივედი, ყველა ჯიბეებზე მიყურებს.

მაღაზიაში

- კარგი თოხი არა გაქვთ, შვილო?
- კარგი თოხიც არსებობს, ბიძია?!

ტარიელ მარგველაშვილი

ბანცხადებები

ვევლი დაჯახებულ, გარემონტებულ „უიგულს“ — დასაჯახებელსა და გასარემონტებელზე!

შხსნი მოსამზადებელ ჯგუფს საბავშვო ბაღში შემსვლელთათვის!

ვევლი სამოთახიან, სინათლიან, ტელეფონიან ბინას — ერთოთახიან, უსინათლო, უტელეფონო, უსიდედრო ბინაზე!

გიგლა პახტაძე

გიგა



საქრებულო საქართველო

ცოტა ნიჭა და ცოტაც — ფორტუნამ —
შენ — ხელმძღვანელის გარგუნა სკამში
და კაბინეტი შენი მორთულა
მართლაც მეფურად! — ამაყობ ამით!..
შენ უნდა ეძმო ჭეშმარიტ საქმეს, —
მთელი სიცოცხლე დასჭირდეს თუნდაც, —
სიმართლისათვის, სიკეთისათვის
საკმეველივით იწვოდე უნდა!..
მაგრამ თუ თვალზე ჭეშმარიტებას
გადაეფარა სხვა ლიბრი ჭარბად
და ველარ არჩევ ერთმანეთისგან
ბნელსა და ნათელს. შხამსა და შარბათს,
თუ ვერ შეიცნობ ნაღდ გუთნისდედას
და გუნდრუქს უკმევე მლიქვნელს და ლაჩარს,
თუ გაგაბრუებს, გაგაყოყოჩებს
მოჩვენებითი ტაში და ვაშა,
თუ ვაზს შეაჭრი რქას სამამულეს,
კინკას ენდობი, წიქარას ნაცვლად,
თუ სიტყვით როკავ, როგორც ულაყი,
საქმეს კი აქცევ მტვრად, ანდა ნაცრად,
თუ აგერიო გზა-კვალი წინსვლის
და უგერგილებ ეშმაკის წისკვილს.
თუ კიდევ შეგჩრა სინდისი — გრამი —
სჯობს, რომ დროულად დატოვო სკამი!

ნახ. ი. უინაშვილისა



უსიტყვოდ

7-83



სატირისა და იუმორის ჟურნალი „ნიანგი“ № 10 (1644)
მაისი. გამოდის 1923 წ.
იენისიდან.

მთავარი რედაქტორი
ზაურ ბოლქვაძე

სარედაქციო კოლეგია:

ჭაბუკა ამირეჯიბი, ნომადი
ბართაია, ბორის გურგუ-
ლია, ნოდარ ღუმბაძე, რე-
ვაზ თვარაძე, ჯემალ ლო-
ლუა, ნოდარ მაღაზონია
(მხატვარი - რედაქტორი),
ალექსანდრე სამსონია, ბე-
ჟან სიხარულიძე (პასუ-
ხისმგებელი მდივანი),

გიგლა ფირცხალავა, ჯანსუღ

ჩარკვიანი, თამაზ წიფწივაძე,
ვაჟა ჭანიშვილი (მთავარი
რედ. მოადგილე), ნაფი ჭუ-
ხოთი,

ტექნიკური რედაქტორი
მიხეილ კუხალაშვილი

გაღებულა ასაწყობად 26.4.
83 წ. ხელმოწერილია და-
საბუღალდე 6. 6. 83 წ. ქა-
ლალდის ზომა 60X90/2
ფიზიკური ნაბეჭდი ფურცე-
ლი, 1,25, სააღრიცხვო-საგა-
მომცემლო თაბახი 1,7, სა-
ქართველოს კბ ცკ-ის გა-
მომცემლობა, ლენინის, 14
შეკვეთა №1185 უფ 07181
ტირაჟი 138.000. ჟურნალი
გამოდის ოვეში ორჯერ.
რედაქციაში შემოსული მა-
სალები ავტორებს არ უბ-
რუსდებათ.

ჩვენი მისამართი: 880008
ს.პოლისი-8 რუსთაველის
პროსპექტი № 42.
ტელეფონები: მთავარი
რედაქტორის — 99-55-54,
მთ. რედ. მოადგილის —
93-19-42, პ/მგ მდივნის —
93-10-78, მხატვარი-რედაქ-
ტორის — 99-02-38, გან-
ყოფილებათა გამგეების —
93-49-32, რედაქტორ-ლიტ-
მუშაკების — 99-02-38,
მდივანი - მემანქანის —
99-76-69.

Сатирико - юмористиче-
ский журнал «НИАНГИ»
(На грузинском языке).
Тбилиси, пр. Руставели
№ 42. Издательство ЦК
КП Грузии, Типография
издательства ЦК КП
Грузии, Тбилиси, улица
Ленина № 14.


ფასი 20 კაპიკი
ინდექსი 76137

რეიზანის ადმინისტრაცია შენევაში საბ-
ჭოთა კავშირ-ამერიკის მოლაპარაკების ბლოკირები-
სათვის განაგრძობს ყბადაღებული „ნულოვანი ვა-
რიანტის“ გამოყენებას.

გაზეთებიდან

83-440
ქართული
ბიბლიოთეკა

სახ. ბ. ლომიძის



№ 440

საქართველოს საბჭოთა კავშირის
საბჭოთა კავშირის

12 VII